



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Tractatus De Superstitionibus, Contra Maleficia Sev Sortilegia Qvae Hodie vigent in orbe terrarum

Arles y Andosilla, Martin de

Romæ, 1559

Quod actus ille submersionis imaginum & reliquiarum est sacrilegiu[m] &  
quid sit sacrilegium.

**urn:nbn:de:hbz:466:1-29941**

perficie verū acciperetur à demoniacis  
 vel phitōnibus vel magicis maledictis.  
 Nam quę communicatio lucis ad tenebras  
 & Christi ad belial vt dicitur. ii. ad The.  
 vi. Ratio prima; quia isti phitōnes & ni-  
 gromantici sunt excommunicati. Secūda;  
 quia nullū verū bono fine dicūt. Tertia;  
 quia continuo aut tandem falsitatem in-  
 gerēt & simile prēmiserint veritati.  
 Non est enim doctrina fallens quę vera  
 non misceat; tecūdū Bedam. Scien-  
 dū tamen est quod aliud est inuocare de-  
 monem ad aliquid sciendū vel agendum  
 ab eo (quod nūquam licet) Aliud est ab  
 ipso non inuocato occurrente aliquid  
 inquirere propter vtilitatem aliorū; &  
 maxime quando virtute diuina potest co-  
 gi ad dicendū aliqua vera sicut aliquan-  
 do fecerunt plures sancti.

Quod actus ille submersionis ima-  
 ginum & reliquiarum est sacrilegiū  
 & quid sit sacrilegium.

**S**equitur nūc qualiter actus ille : scilicet submergendi imaginem sancti Petri sit sacrilegiū ? Nam vt dicit sanctus Thomas. ii. ii. q. xcix. arti. i. Sacrilegiū est sacre rei violatio. i. sacre rei lesio : & probat sic sacrū dicitur aliquid ex eo quod ad diuinū cultū ordinatur . Sicut autem ex eo quod aliquid ordinatur in finem bonū sortitur rationem boni . Ita etiam ex hoc quod aliquid deputatur ad cultū Dei efficitur quoddam diuinū . Et sic ei quēdam reuerentia debetur quę refertur in Deum. & ideo omne illud quod ad irreuerentiam rerum sacrarū pertinet, ad iniuriam Dei pertinet : & habet sacrilegii rationem. Hęc ille . Sed quod talis submersio imaginis sit sacrilegiū probatur per ipsum ex tertio arti. vbi ponit quod species sacrilegii distinguitur secūdum res sacras : & quod sacrilegiū diuersos habet gradus secūdū differentiam rerum sacrarū locorum & personarum . Tanto enim sacrilegium est

est

est grauius quanto res sacra in qua peccatur maiorem obtinet sanctitatē inter res autem sacras summū locū obtinent sacramenta quibus homo sanctificatur quorū precipuū est eucharistię sacramentū quod continet ipsum Christum: & ideo sacrilegiū quod contra hoc sacramentū committitur grauissimū est inter omnia. Post sacramenta autem secundū locum obtinent vasa consecrata ad sacramentorū susceptionem: & ipsę imagines sacrę & reliquie sanctorū quib⁹ quodammodo personę sanctorū venerantur vel dehonorantur. Hęc ille. Constat enim quod in illo dementissimo actu submersionis imaginis sancti Petri vel alterius cuiuscūq; maxime illudatur sanctus & dehonoratur: ergo committūt sacrilegiū & maxime illi qui prodolor dignissimo & preciosissimo sacramento eucharistię abutūtur ad suas superstitiones & sortilegia exercenda: vt compertū est illos nephandos phito-

## TRACTATUS

nes & nigromanticos in suis maleficiis frequenter abuti. Est etiam speciale peccatum distinctum ab aliis ut idem doctor dicit ar. ii. prædicte questionis: quia in eo reperitur specialis ratio difformitatis: quia scilicet violatur res sacra per aliquam irreuerentiam & opponitur virtuti Religionis: ita quod ipsa irreuerentia & deordinatio, quæ fit, rei sacre, dicitur violatio. Sicut enim honor est in honorante nõ in eo qui honoratur: ut patet. i. ethicorũ. Ita irreuerentia est in eo qui irreuerenter se habet: quãuis etiam nihil noceat ei cui irreuerentiam prebet. Vnde etiam res sacra non violatur. Tamẽ quantum est in ipso sacrilego violat eã. Sicut & purpura regale indumentũ facta honoratur & glorificatur. Et si quis hãc perforauerit morti dãnatur quasi cõtra regiã maiestatem agens: quãuis nihil agat in regiã personã secundũ Damascenũ. Ita si quis rẽ sacrã violet ex hoc ipso cõtra Deũ irreuerentiã facit: & sic per irreligiositatem peccat. Hęc ille.